

Broj: 159-Z/I-25

Sarajevo, 12. mart 2026.

ZAPISNIK

sa 6. redovne sjednice Vijeća Univerziteta u Sarajevu - Instituta za istraživanje
zločina protiv čovječnosti i međunarodnog prava,
održane 12. marta 2026.

Prisutni: Muamer Džananović – predsjedavajući Vijeća, Ermin Kuka, Almir Grabovica, Alma Hajrić-Čaušević, Amir Klike, Hikmet Karčić, Meldijana Arnaut Haseljić, Sabina Subašić-Galijatović, Sabahudin Šarić, Merisa Karović-Babić, Lamija Muftić – članovi Vijeća. Sjednica Vijeća počela je u 11 sati.

Odsutni: Mesud Šadinlija, Sabahudin Šarić (odsutan zbog korištenja godišnjeg odmora) i Zilha Mastalić Košuta (odsutna zbog bolovanja).

Predloženi dnevni red usvojen je jednoglasno:

1. Usvajanje zapisnika s 12. i 13. elektronske sjednice Vijeća Instituta;
2. Donošenje odluke o završetku naučnoistraživačkog projekta “Zločini na području općine Doboj 1992–1995”;
3. Usvajanje Izvještaja Komisije za izbor u naučno zvanje viši naučni saradnik i donošenje odluke o izboru u zvanje viši naučni saradnik;
4. Usvajanje finansijskog izvještaja o poslovanju Instituta za 2025. godinu;
5. Tekuća pitanja.

Tačka 1 - Usvajanje zapisnika s 12. i 13. elektronske sjednice Vijeća Instituta

Članovi Vijeća jednoglasno su usvojili zapisnike s 12. i 13. elektronske sjednice Vijeća Instituta.

Tačka 2 - Donošenje odluke o završetku naučnoistraživačkog projekta “Zločini na području općine Doboj 1992–1995”

Članovi Vijeća jednoglasno su donijeli

ODLUKU

o završetku naučnoistraživačkog projekta “Zločini na području općine
Doboj 1992–1995”

I

Naučnoistraživački projekt “Zločini na području općine Doboj 1992–1995”, čiji je rukovodilac dr. sc. Almir Grabovica, odobren je Odlukom direktora Instituta, broj:

416/I-24, od 16. septembra 2024. godine.

II

Na osnovu podnesenog Izvještaja o realizaciji naučnoistraživačkog projekta, zaprimljenog pod brojem: 137/I-26, 23. februara 2026. godine, donosi se Odluka o završetku naučnoistraživačkog projekta "Zločini na području općine Doboj 1992–1995".

III

Odluka stupa na snagu danom donošenja.

Tačka 3 - Usvajanje Izvještaja Komisije za izbor u naučno zvanje viši naučni saradnik i donošenje odluke o izboru u zvanje viši naučni saradnik

Članovi Vijeća jednoglasno su donijeli

ODLUKU

I

Prihvata se Izvještaj Komisije o izboru dr. sc. Hikmeta Karčića u zvanje *viši naučni saradnik – doktor nauka iz oblasti sociologije*.

II

Izvještaj iz tačke I ove odluke dostavlja se Senatu Univerziteta u Sarajevu na dalje postupanje, u skladu sa članom 29. stav (10) Zakona o naučnoistraživačkoj djelatnosti Kantona Sarajevo.

III

Ova odluka stupa na snagu danom donošenja.

Obrazloženje

Na osnovu člana 113. Statuta Univerziteta u Sarajevu, a u vezi sa članom 29. stav (10) Zakona o naučnoistraživačkoj djelatnosti (*Službene novine Kantona Sarajevo*, broj 26/16), Vijeće Univerziteta u Sarajevu – Instituta za istraživanje zločina protiv čovječnosti i međunarodnog prava, na 6. redovnoj sjednici, održanoj 12. februara 2026. godine, razmatralo je Izvještaj Komisije za izbor u naučno zvanje *viši naučni saradnik*. U Izvještaju Komisije konstatirano je da kandidat dr. sc. Hikmet Karčić ispunjava sve zakonski propisane uslove za izbor u zvanje *viši naučni saradnik*.

S obzirom na navedeno, Vijeću je predloženo da prihvati Izvještaj i dostavi ga Senatu Univerziteta u Sarajevu radi donošenja konačne odluke o izboru dr. sc. Hikmeta Karčića u zvanje *viši naučni saradnik*

Tačka 4 - Usvajanje finansijskog izvještaja o poslovanju Instituta za 2025. godinu

Predsjedavajući Vijeća i sekretar Instituta upoznali su članove Vijeća s detaljima finansijskog izvještaja Univerziteta u Sarajevu – Instituta za istraživanje zločina protiv čovječnosti i međunarodnog prava. Nakon prezentacije izvještaja, predsjedavajući je otvorio raspravu i dao mogućnost članovima Vijeća da postavljaju pitanja, iznose komentare i učestvuju u diskusiji. Kako nije bilo pitanja, primjedbi niti prijedloga za raspravu, predsjedavajući je finansijski izvještaj stavio na glasanje.

Članovi Vijeća s 8 glasova ZA i 2 SUZDRŽANA donijeli su

O D L U K U

I

Vijeće Univerziteta u Sarajevu – Instituta za istraživanje zločina protiv čovječnosti i međunarodnog prava usvojilo je Izvještaj o finansijskom poslovanju Univerziteta u Sarajevu – Instituta za istraživanje zločina protiv čovječnosti i međunarodnog prava za period 1. 1. 2025 – 31. 12. 2025. godine.

II

Odluka stupa na snagu danom donošenja.

Tačka 5 -Tekuća pitanja

Predsjedavajući Vijeća izvijestio je članove Vijeća o usvojenom budžetu Instituta za 2026. godinu. Tom prilikom istakao je da se odobreno povećanje budžetskih sredstava u najvećoj mjeri odnosi na stavku plata i naknada zaposlenika. Podsjetio je da je Institut, putem


uloženih amandmana na prijedlog budžeta, tražio povećanje sredstava i na drugim budžetskim stavkama, prije svega za ugovorne usluge (primarno zbog potreba organizacije skupova i publiciranja izdanja Instituta) i službena putovanja, imajući u vidu potrebe realizacije planiranih naučnoistraživačkih, stručnih i međunarodnih aktivnosti u organizaciji ili suorganizaciji Instituta.

Međutim, kako je naveo, Skupština Kantona Sarajevo nije prihvatila predložene amandmane u dijelu koji se odnosi na navedene budžetske stavke, već je odobreno povećanje budžeta usmjerila isključivo na povećanje sredstava za isplatu plata zaposlenika. Predsjedavajući je naglasio da će Institut i u narednom periodu nastaviti ukazivati na potrebu osiguranja dodatnih finansijskih sredstava za u navedene svrhe, kako bi se omogućila realizacija što više planiranih aktivnosti Instituta. Nedostajuća sredstva za realizaciju osnovnih aktivnosti Instituta i u 2026. godini pokušat će se osigurati, kao i u prethodnoj godini, kroz dodatne oblike institucionalne podrške, apliciranje na javne pozive, projektne aktivnosti, te pokušaja uspostavljanja saradnje s drugim nivoima vlasti.

Zapisnik vodio



Edis Ikanović



Predsjedavajući Vijeća



Dr. sc. Muamer Džananović